

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Odbor za denacionalizaciju i privatizaciju

Broj: 02/15-02-1133/20
Sarajevo, 18.06.2020. godine

Na osnovu člana 69. Poslovnika o radu Doma naroda Parlamenta Federacije Bosne i Hercegovine, Odbor za denacionalizaciju i privatizaciju Doma naroda Parlamenta Federacije Bosne i Hercegovine je, na konstituirajućoj i prvoj sjednici Odbora održanoj 18.06.2020. godine razmatrala:

1. Konstituisanje Odbora za denacionalizaciju i privatizaciju.
2. Prijedlog zakona o izmjenama Zakona o utvrđivanju i ostvarivanju potraživanja građana u postupku privatizacije – skraćeni postupak.
3. Tekuća pitanja.

Na osnovu člana 51. stav 1. Poslovnika o radu, Odbor za denacionalizaciju i privatizaciju, podnosi Domu naroda sljedeći

I Z V J E Š T A J

1. Konstituisanje Odbora za denacionalizaciju i privatizaciju.

Dom naroda Parlamenta Federacije Bosne i Hercegovine, na sjednici održanoj 13. februara 2020.godine, donio je odluku o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine.

U Odbor za denacionalizaciju i privatizaciju Doma naroda Parlamenta Federacije Bosne i Hercegovine, izabrani su:

Za predsjednika: Drago Puzigača

Za zamjenika predsjednika: Edim Fejzić.

Za članove:

1. Mirela Trepanić,
2. Aleksandar Štrbac,
3. Velemir Tanović,
4. Marko Saraf,
5. Senad Alić,
6. Dževad Hadžić,
7. Jasenko Tufekčić.

Odluka o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine, objavljen je u „**Službenim novinama Federacije Bosne i Hercegovine**“, broj: 16/2020 od 28.02.2020.godine.

Shodno članu 69 Poslovnika o radu Doma naroda Parlamenta Federacije Bosne i Hercegovine, Odbor za denacionalizaciju i privatizaciju razmatra:

Inicijative odnosno zahtjeve građana, njihovih udruženja i drugih organizacija i zajednica za reprivatizaciju prinudno prenesene imovine u državnu i vojnu imovinu nacionalizacijom stambenih i poslovnih zgrada i prostorija određenim oblicima konfiskacije i drugim vidovima prinudnog prenošenja nekretnina u državnu svojinu, te u saradnji sa Vladom Federacije priprema i podnosi prijedlog za donošenje zakona i drugih akata iz ove oblasti i iz nadležnosti Doma naroda.

Odbor razmatra i akte koje Dom naroda donosi iz oblasti privatizacije i denacionalizacije, prati i analizira provodjenje procesa privatizacije, predlaže Domu naroda mjere i akte iz oblasti privatizacije i denacionalizacije i druga pitanja iz ove oblasti iz nadležnosti Doma.

2. Prijedlog Zakona o izmjenama Zakona o utvrđivanju i ostvarivanju potraživanja građana u postupku privatizacije – skraćeni postupak

Shodno članu 50. stav 2 Poslovnika o radu Doma naroda Parlamenta Federacije Bosne i Hercegovine, citiram: „Ako predlagač ne uputi svog predstavnika na sjednicu radnog tijela na koju je pozvan, radno tijelo neće razmatrati to pitanje i o tome će obavijestiti Dom naroda i predlagača.

I pored citirane odredbe, predsjednik i članovi Odbora za denacionalizaciju i privatizaciju razmatrali su navedenu tačku dnevnog reda jer je Predstavnički dom Parlamenta Federacije Bosne i Hercegovine na 8. redovnoj sjednici održanoj 20.11.2019.godine usvojio Prijedlog Zakona o izmjeni Zakona o utvrđivanju i ostvarivanju potraživanja građana u postupku privatizacije, u tekstu kako ga je predložila Vlada F BiH.

Odbor za denacionalizaciju i privatizaciju jednoglasno je donio

Z A K L J U Č A K

Odbor za denacionalizaciju i privatizaciju Doma naroda Parlamenta Federacije Bosne i Hercegovine, u buduću neće razmatrati tačku dnevnog reda ukoliko, predstavnik vlade Federacije BiH i drugi predlagač ne prisustvuje na zakazanoj sjednici.

U općem pretresu Odbor je utvrdio da postoji Ustavnopravni osnov za donošenje ovog zakona, a koji je sadržan u članu III.1. tačka c) koji je izmjenjen amandmanima VIII, LXXXIX I CVI i članu IV.A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije a Parlament Federacije, uz ostala ovlaštenja predviđena Ustavom odgovoran za donošenje zakona o vršenju dužnosti federalne vlasti.

Za izvjestioca Odbora za denacionalizaciju i privatizaciju na sjednici Doma naroda je određen Drago Puzigača, predsjednik Odbora.

**PREDSJEDNIK ODBORA
Drago Puzigača s.r.**